

लाहना

द्विदसाथिक पत्रकारिता, शैया आवश्कता

साःगु भिंगु मरिचरिया निति लुमका दिसें !

लक्ष्मण जमाल 'चिलिमि'
प्रोप्राइटर

लाखा छेँ
LAKHA CHHEN

सोहखुटे, वडा नं. १६, येँ, फोन नं.: ४५६०७५८

थुकि दुने



भाषाया निति संघर्ष क्वमचाःनि
• श्रीकृष्ण महर्जन नेवाः - २



गिद्ध गीता
• प्रेममान डंगोल - ३



ताहाल लँ त्वाःल्हात कि मभिं
• पन्ना रत्न महर्जन - ६



बुगुथः, पद्मपाणी लोकिश्वर
• ब्लाअप ४ - ५

अभं मलंनि जेठ १८ या घाः बसन्तपुली हाकूगु ण्हि लुमंकाः प्लेकार्ड बज्या

तत्कालिन अवस्थाय् २०५६ जेठ १८ गते तत्कालीन सर्वोच्च अदालतं येँ महानगरपालिकाय् नेवाः भाय् व राजविराज नगरपालिका लिसें धनुषा जिविसय् मैथिली भाषायात बिउगु मान्यता खारेज याना बिउगु विरोधय् नेवाःत नापं नेपाःया मातृभाषी अभियन्ता नापं थीथी खलः पुचःपाखें जेठ १८ गतेयात हाकूगु ण्हि कथं हना वयाच्चंगु दु ।

देशय् संविधानसभापाखें ण्हूगु संविधान जारी जुइवं आः भाषाया समस्या समाधान जुइगु जुल, भाषिक समानता दइगु जुल धकाः यक्व आशा यायगु ज्या नेवाःत नापं थीथी मांभाय् ख्यःयापिन्सं याःगु खः । उगु हे ल्याखं ण्हूगु संविधान वसानिसें हाकूगु ण्हि हनेगु ज्या भन्नु भन्नु प्यासुया वंगु खः । अथे धकाः गोष्ठी यायगु, भर्चुअलया माध्यमं जूसां हाकूगु ण्हियात लुमंकेगु ज्या धाःसा मयाःगु अवश्य नं मखु । निरन्तर रुपं हाकूगु ण्हि धकाः जेठ १८ गतेयात लुमंकाः वयाच्चंगु खः ।

संविधान जारी जूगु नं खुदें पुला वने धुकूगु अवस्था दु । थ्व ई तकया दुने स्थानीय सरकारं मांभाषं आखः ब्वंकेगु ज्या खनेदयेक याःगु खने दु । भाषाया ल्याखं मेगु खःसा हे उपलब्धी जुयाच्चंगु धाःसा मदु । बाग्मती प्रदेशय् नेवाः भाय् व तामाड

भाय्यात कामाकाजि भाषाया रुपय् लागू याकेगु निति ऐन दयेका प्रदेश सरकारयात लःल्हाये धुकूगु अवस्था खःसा नं संसदं पारित यायेगु धाःसा ल्यं दनि । भाषा ख्यलय् मेगु खास हे खने दयेके ज्या जुयाच्चंगु मदु । मांभाय् यात संरक्षण व सम्बर्द्धनया निति राज्यं गुलि चासो काय्माःगु खः उगु कथं तयाच्चंगु मदु । उकिं भाषा ख्यः नाप नापं समग्र नेवाः अधिकारया सः थ्वय्केगु निति छू बांलाःगु दिं कथं नाला थुगुसी हाकूगु ण्हि हना भाषा, जातीया अधिकार नाप नापं नेवाः पहिचानया सः थ्वय्के त्यनागु खः धकाः नेवाः देय् दबूया न्वकू उमेश स्थापितं धयादीगु दु । वंगु वालय् जक नेवाः देय् दबूया संयोजनय् थीथी नेवाः खलः पुचःया मंकाः मुँज्या च्वना थुगुसी मंकाः कथं हाकूगु ण्हि हनेगु तयारी याःगु खः । नेवाः देय् दबू स्वनिगः विशेष



प्रदेशया नायः श्रीकृष्ण महर्जन जेठ १८ गते हाकूगु ण्हि हनेगु धइगु नेवाःतयगु नेतृत्वय् थीथी आदिवासी जनजाति नापं मातृभाषी समदाय नापं पहिचान

पक्षधरपिन्त छू हे थ्रासय् हयगु अले नेवाः अधिकारया निति नेवाःत सुंक च्वंगु मदुनि धकाः सन्देश बिइगु ल्यं ७ पेजय्

६८ गः गाडी फोहोर मुन



येँया जनप्रतिनिधिपिनि पदबहाली जूगु दच्छि दुगु लसताय् येँया सार्वजनिक थ्रासय् जूगु विशेष सरसफाइपाखें ६८ गः गाडी फोहोर मुंगु दु । महानगरया ३१ गः गाडी व निजी ख्यलं ३६ गः गाडी फोहोर मुंकूगु खः । थुकिं करिब ११८ मेट्रिक टन फोहोर मुंगु वातावरण व्यवस्थापन विभागं कंगु दु । सफाइया निति ब्रमुर, जेटलिसें

साधन व उपकरण परिचालन याःगु खः । सुचुकुचुया इवलय् उपप्रमुख सुनिता डंगोल, वडा नं. १२, २० व २१ या थीथी थ्रासय् वनाः सुचुकुचुइ ब्वति काःगु खः । उपप्रमुख डंगोलं धयादी, 'सुचुकुचु व स्वच्छता भरीगु दायित्व खः । थ्व दायित्व सहभागितामूलक ल्यं ७ पेजय्





नेवा: राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन दने धुन सँन्त्यलं भी फुक्कं हे छम्ह जुइ धुन भीगु लागाय् भी स्वयं हे जः जुया धुन लुइ धुन ह्यांगु भुमिइ अप्टमण्डल ह्यांगु चाः दुने थी नगु भीगु नेवाः ध्वाँय् थ्व हे खः ज्यान भी सकस्यां छगु जातितय् स्वायत्त राज्य लुइ कर्प च्वय् भिलिमील राष्ट्र भःभः धाय्क न्ह्याके भीगु चःति भीगु हिं

सम्पादकीय



गणतन्त्र दिवस व आममाफी

नेपालय् गणतन्त्र घोषणा जूगु नं भिन्ह्यदय् क्यन।

२०६२-६३ या जनआन्दोलनलिपा गणतन्त्रया घोषणा जूगु खः। गणतन्त्रया इवल्य थुगुसी राष्ट्रपतिं ब्यूगु आममाफी सकसियां चिउताःया विषय जुयाब्यूगु दु। खतं राष्ट्रपतिपाखें आममाफी ब्यूगु थ्व न्हापांगु घटना मखु। अले थुगुसी ब्यूगु आममाफी नं याकःचित ब्यूगु माफी मखु। तर सामाजिक संजालय् गुकथं रेशम चौधरीयात ब्यूगु आममाफीया विरोध जुयाच्चंगु दु, व धाःसा तसकं हे गम्भीर मुद्दा खः। रेशम चौधरीलिसंया पुचः २०६३ सालय् टनकपुरय् जूगु आन्दोलनया इवल्य न्ह्यम्ह प्रहरी स्याःगु द्वपनय् ज्वनाः मुद्दा न्ह्याःगु खः। राजनीतिक आन्दोलनया इवल्य जूगु घटनां ज्यान वंगु खँयात कर्तव्य ज्यानकथं कयाः याःगु कारवाही दिकेमाः धकाः रेशम चौधरीया समर्थकपिसं न्हापानिसं माग यानावयाच्चंगु खः। अझ पहिचानपक्षधरपिसं ला वय्कःयात याःगु कारवाही हे खारेज जुइमाःगु माग यानावयाच्चंगु खःसा सर्वोच्च अदालत उगु मुद्दायात सामान्य मुद्दाकथं हे व्यवहार यानाः न्ह्याकूगु खः। लिपांगु इलय् सर्वोच्च अदालत उच्च अदालतया निर्णय हे सदर यानाब्यूगुलिं वय्कःया समर्थकपिसं कानूनी उपचार मालाच्चंगु खः। राष्ट्रपतिं नेपाःया संविधानया धारा २७६ या लिधंसाय् ४८२ म्हेसित आममाफी ब्यूगु खः। संविधानय् हे राष्ट्रपतिं थीथी सजाय फयाच्चंपिन्त माफी, मुलतबी वा म्हो याय् फइगु व्यवस्था यानातःगु दु।

मेगु पक्षं स्वयेगु खःसा राष्ट्रपतिपाखें आममाफी बियावयाच्चंगु गणतन्त्रय् जक नं मखु। नेपालय् हे नं राजतन्त्र, प्रजातन्त्र, पंचायत, बहुदलीय व्यवस्थाय् नं जुजुया बुदिं, प्रजातन्त्र घोषणालिसंया थीथी लसता लाकाः आममाफी बियावयाच्चंगु खः। नेपालय् जक मखु, विश्वया थीथी देसय् नं थुकथं आममाफी बीगु यानावयाच्चंगु दु।

राजनीतिक आस्था व पहिचानया आन्दोलनया इवल्य जूगु घटनायात आपराधिक घटनाया ल्याखय् तयाः विश्लेषण याय्गु पाय्छि जुइमखु। रेशम चौधरी व वय्कःलिसे आन्दोलनया इवल्य ज्वना यंकूपिन्त ब्यूगु आममाफी स्वागत योग्य ज्या खः। थुगु ज्या न्हापा हे जुइमाःगु खः। तर थारु जूगुलिं हे आममाफी जुइगुपाखें लिउने लानाच्चंगु खः कि धइगु न्ह्यसः नं ब्वलंगु खः। लिपांगु इलय् मन्त्रिपरिषद्दया सिफारिसय् न्याय बीगु ज्या जूगु दु। गणतन्त्र दिवसय् नेपाल सरकारं ब्यूगु थ्व छगु ग्यसुलाःगु देछा जूगु दु।

भाषाया नितिं संघर्ष क्वमचाःनि



श्रीकृष्ण महर्जन नेवाः

नेपाःया संविधान कथं संवैधानिक आयोग भाषा आयोगया सिफारिस कथं बाग्मती प्रदेशया कामकाज भाषा नेपालभाषा व तामाङ भाषा कथं नाला लागू याय्गु ई लिक्क लिक्क थ्यना वःगु दु। थनि दक्खि न्ह्यःनिसं नेवाः देय् दबू स्वनिगः विशेष प्रदेशया कुतलय् नेवाः देय् दबू बाग्मती प्रदेश व नेपाल तामाङ घेदुङ बाग्मती प्रदेश जाना बाग्मती प्रदेशया कामकाज भाषाया रूपय् नेवाः भाय् व तामाङ भाय् लागू याय्माल धकाः मदिकक हे दबाव बिइगुनिसं आन्दोलन व अभियान न्ह्याकेगु ज्या तर्क याना वयाच्चंगु खः।

भाषा आयोगया सिफारिस कथं नेपालभाषा व तामाङ भाषायात सरकारी कामकाज भाषाया रूपय् लागू याय्गु नितिं भाषा आयोग थःम्हं हे ज्या याय्माःगु तर्क मयाःगु, संघीय सरकारपाखें याय्माःगु निसं प्रदेश सरकारपाखें याय्माःगु ज्या तर्क मजुयाच्चंगुयात ध्यानय् तया थनि दक्खि न्ह्यःनिसं हे नेवाः देय् दबू स्वनिगः विशेष प्रदेशपाखें तसकं सरोकार क्यना कुतः याना वयाच्चंगु खः। सकल नेवाः व तामाङतसं याःगु मंकाः कुतः कथं अन्ततः आः भाषा सम्बन्धी ऐन संसदय् पेश जुइगु अवस्थाय् थ्यंगु दु।

नेपाःया संविधानया धारा २८७ या व्यवस्था कथं २०७३ भदौ २३ गते नीस्वंगु भाषा आयोग थःगु मूल ज्या वंगु २०७८ साल भदौ महिनाय् प्रदेशया कामकाज भाषा कथं सिफारिस प्रधानमन्त्रीयात लःल्हाःगु खः। उगु प्रतिवेदनय् नेपालय् १२३ भाषा ल्हाइगु, खुगु न्ह्यु भाषाया पहिचान जूगु, पहिचान जूगु न्ह्यु भाषाय् राना थारू, नार फु, चुम (स्यार), नुब्री (लार्के), पोइके व सेराके (सेके) खः थुपिं छिसं कथं कञ्चनपुर, मनाङ, गोरखा, डोल्पा व मुस्ताङय् ल्हाइ धकाः उल्लेख यानातःगु दु। आयोगया सिफारिस कथं प्रदेश नं १ य् मैथिली व लिम्बू प्रदेश नं २ या नितिं मैथिली, भोजपुरी र बज्जिका भाषा, बाग्मती प्रदेशय् नेवार भाषा अर्थात नेपालभाषा, गण्डकी प्रदेशय् मगर भाषा, गुरुङ, व भोजपुरी भाषा, कर्णाली प्रदेशय् मगर भाषा व सुदूरपश्चिम प्रदेशय् डोट्याली व थारु भाषायात सरकारी कामकाजया भाषाया रूपय् सिफारिस याःगु खः। उगु कथंया प्रतिवेदन २०७८ साल भदौ २१ गते हे नेपाल सरकारयात सिफारिस याःगु खः।

वंगु दँया न्ह्यु आर्थिक वर्षया नितिं संसद पारित याःगु नीति तथा कार्यक्रमय् तर्क भाषा सम्बन्धी कानून दय्केगु धकाः उल्लेख मयात। बाग्मती प्रदेशया सरकार गम्भीर मजुगु ठहर याना नेवाः देय् दबू स्वनिगः विशेष प्रदेशपाखें उगु खँयात कया गम्भीर रूप काल। उकिं तत्काल हे विशेष पहलयात। पहल कथं बाग्मती प्रदेशया सांसदपिं पुकार महर्जन, विराजभक्त श्रेष्ठपिन्सं उगु खं बाग्मती प्रदेशया संसदय् न्वंवानादिल। अन्ततः बाग्मती प्रदेशया मुख्य मन्त्री बाग्मती प्रदेशय् कामकाज भाषाया सवालय् मन्त्रीपरिषद्पाखें निर्णय याना प्रक्रिया न्ह्याकेगु जुइ धकाः न्वंवानादिल। संसदय् भाषा आयोगया बारे बहस जूगु दिनय् हे नेवाः देय् दबू स्वनिगः विशेष प्रदेशपाखें वंगु जेठ १८ गते अनलाइनया माध्यमं जुमय् सहलह मुँज्या यात।

प्रदेशय् सांसदतय्सं भाषा आयोगया बारे सः तयादीव प्रदेशया मुख्यमन्त्री न्वंवाय् बाध्य जुल। मुख्यमन्त्री राजेन्द्र प्रसाद पाण्डे

भाषा आयोगया सिफारिस कथं ज्या याय्गु नितिं मन्त्री परिषदा मुँज्या निर्णय याना कार्यान्वयन याय् धकाः बचं बियादिल। सांसदतय्सं सदनय् न्वंवानादीगुयात कया सम्बोधन याय् हे माःगु अवस्थाय् उगु कथं मुख्यमन्त्री न्वंवानादीगु खः।

नेवाः देय् दबू स्वनिगः विशेष प्रदेशपाखें पहल याय्गु इवल्य जेठ २३ गते भाषा आयोगय् नेवाः व तामाङ डेलिगेशन वन। उगु इलय् भाषा आयोगपाखें माःगु कथंया प्रक्रिया फुक्क ज्या याय् धुनागु धकाः जानकारी बिल। प्रक्रिया कथं भाषा आयोग सिफारिस याःगु प्रतिवेदन सहित आधिकारीक पौ सहित भाषा सम्वन्धि सिफारिस संस्कृति पर्यटन तथा नागरिक उड्डयन मन्त्रालययात ह्वय्माःगु खः। अनं लिपा संस्कृति मन्त्रालयपाखें प्रदेशया संस्कृति मन्त्रालययात ह्वय्माःगु अले प्रदेश सरकारपाखें कानून दय्केत माःगु कथंया ज्या याय्माःगु खः। उकिंया नितिं भाषा आयोग ज्या याय् धुन धकाः धाःगु खः।

भाषा आयोग थनिं गुला न्ह्यः हे थःगु सिफारिस व माःगु पौ संघीय सरकारया संस्कृति तथा पर्यटन मन्त्रालय ह्वय्माःगु खः। भाषा आयोगय् डेलिगेशन वने धुकाः नेवाः देय् दबू स्वनिगः प्रदेशपाखें संघीय सरकारया संस्कृति मन्त्रालययात स्वापू तःगु इलय् आखिर संस्कृति मन्त्रालयसं भाषा आयोगया सिफारिस हे मथ्यनिगु जुयाच्चन। गुला दय् धुक्कू जूसां भाषा आयोगया ज्याकू यलया शंखमुल सिंहदरवारय् च्वंगु संस्कृति मन्त्रालय तर्क आधिकारिकरूप सिफारिस मथ्यनिगु जुयाच्चन। वंगु जेठ २४ गते थुगु खँ सिइवं हे तत्काल हे स्वनिगः विशेष प्रदेश भाषा आयोगय् दबाव बिइगु नापं लविड याय्गु ज्या यात। अन्ततः उखुन्हु हे अथे धइगु जेठ २४ गते हे भाषा आयोगपाखें जेठ २३ गतेया मिति तया संस्कृति मन्त्रालय थ्यंकेहःगु खः।

नेवाः देय् दबू स्वनिगः विशेष प्रदेशपाखें जेठ २४ गते हे यँय् वाग्मती प्रदेशया सांसदत नाप नाप नेवाः खलः पुचःया न्ह्यलुवातलिसे भाषा आयोगया सिफारिसया सवालय् गुगु कथं वनेगु धकाः सहलह ब्याकेगु नं ज्या याःगु खः। सकलसिनं भाषा आयोग, संस्कृति मन्त्रालय, वाग्मती प्रदेश नापं प्रदेश सांसदतलिसे लविड याय्गु नापं माल धाःसा दबाव बिइगु अले उलि नं मगात धाःसा सतकय् तर्क क्वहां वय्त तयार जुइमाः धकाः धयादीगु खः।

नेवाः देय् दबूया स्वनिगः विशेष प्रदेश भाषा आयोगया पौ शंखमुल सिंहदरवार थ्यंकेत गुला माःगु अवस्थाय् आः सिंहदरवार वाग्मती प्रदेशया राजधानी हेटौडाय् संस्कृति तथा पर्यटन मन्त्रालय तर्क थ्यंकेत यक्व हे ई मालीगु ठहर यात। प्रदेश सांसदतय्यु ई जम्मा खुला ल्यंदनि। उकिं गुलि फु उलि याकनं सिफारिस सहितया पौ सम्वन्धित निकायसं थ्यंकेगु हे पाय्छि जुइगु ताय्काः नेवाः देय् दबू स्वनिगः विशेष प्रदेशया नायः श्रीकृष्ण महर्जनया नेतृत्वय् दबूया प्रदेश न्वकू सुमन श्रेष्ठ, मूछ्याञ्जे गणेशमान श्रेष्ठ व ह्य्याञ्जे हरिबहादुर श्रेष्ठया पुचः सिफारिस पौ सहितया आधिकारीक पौ ज्वना हेटौडाय् वनादीगु खः। अले नेवाः देय् दबू स्वनिगः विशेष प्रदेशया नायः श्रीकृष्ण महर्जन, वाग्मती प्रदेशया नायः विष्णुगोपाल महर्जन व नेपाल तामाङ घेदुङया वाग्मती प्रदेशया नायः लिला कुमार ग्लानपाखें मंकाः कथं वाग्मती प्रदेशया संस्कृति तथा पर्यटन मन्त्रालय वना उगु पौयात आधिकारीक दर्ता याय्गु ज्या जूगु खः। उगु इलय् स्वंगू हे प्रदेश स्तरया समिति या पदाधिकारीपिं तर्क सहभागी जुयादीगु खः।

हेटौडाय् वाग्मती प्रदेशया सभामुख सानुकुमार श्रेष्ठ व उपसभामुख राधिका तामाङयात नं नेवाः देय् दबूया स्वनिगः विशेष प्रदेश, वाग्मती प्रदेश व नेपाल तामाङ घेदुङया वाग्मती प्रदेशया नेतृत्वं नापालाना सहलह ब्याकेगु ज्या जुल। उगु इलय्

सभामुख व उपसभामुखया धापू धइगु आःया अवस्थाय् नेवाः व तामाङतय्सं पहल यात धाःसा जक वाग्मती प्रदेशय् नेपालभाषा व तामाङ भाषायात कामकाज भाषाया रूपय् लागू याय्त कानून दय्केफइगु अवस्था दु धयादिल। उकिंया नितिं व्यवस्थापिकाया सांसदतनिसं कार्यपालिकाया मन्त्रीतय्त तर्क लविड याय्गु, दबाव बिइगु नापं माल धाःसा सतकय् क्वहां वय्कत धाःसा जक सम्भव जुइगु मखुसा भाषाया खँ प्रदेशय् प्राथमिकताया विषय जुयाच्चंगु म्दु धकाः वय्कःपिन्सं स्पष्ट रूपं धयादिल।

सिंहदरवारया पौ हेटौडाय् ज्वना वंगु अवस्थाय् गुगु कथंया स्थिति खन उकिंयात कया तत्काल हे नेवाः देय् दबू स्वनिगः विशेष प्रदेश, वाग्मती प्रदेश, नेपाल तामाङ घेदुङया वाग्मती प्रदेशया सचिवालययापिं तत्काल हे मुँज्या हेटौडाय् हे च्वन। उगु मुँज्या आःया अवस्थाय् लविड याय्गु, दबाव बिइगु नापं सतक आन्दोलन मयाय्गु खत धाःसा खुलाया दुने वाग्मती प्रदेशपाखें नेपालभाषा व तामाङ भाषायात कामकाज भाषाया रूपय् लागू याय्गु नितिं कानून दय्केगु ज्या मजुइगु ठहर यात।

अनं लिपा सतकय् आन्दोलननिसं प्रदेश सांसदतयत पौ ह्वय्गु, एसएमएस ह्वय्गु, सामाजिक सञ्जालय् अभियान न्ह्याकेगु नाप नापं थीथी कथंया अभियान न्ह्याकेगु ज्या यात। सतकय् क्वहां वया प्रदर्शन तर्क याःगु खः। उगु कथंया दबाव व आन्दोलनया बलं वंगु चुनाव न्ह्यःया सरकारं छगु आयोग दय्कल तर व आयोगं हुं हे ज्या याय् मखकं चुनाव वल। चुनावया इलय् नं भाषा आयोगया सिफारिस कथं कामकाज भाषा कथं नेवाः भाय् व तामाङ भाय् लागू याय्माः धकाः माग याना थीथी कथंया मुद्दा दुथ्याका नेवाः मंकाः मुद्दा तर्क प्रदेश सांसदया उम्मेदवार नापं राजनीतिक दलया नेतृत्वपिन्त लःल्हाय्गु अभियान हे नेवाः देय् दबू स्वनिगः विशेष प्रदेश न्ह्याकूगु खः। चुनाव क्वचाय् धुनेवं नं प्रदेश सांसदतयत सम्मानयासं फुक्क कथंया माःगु भ्वं बिइगु नापं ध्यानाकर्षण याय्गु ज्या तर्क यात। थुगु कथंया निरन्तर रूपं न्ह्याकाच्चंगु आन्दोलन नापं अभियानया कारणं बाग्मती प्रदेश सरकारया न्हापांगु बैठकं हे छगु कार्यदल दय्कल। कार्यदललिसे नं निरन्तर रूपं नेवाः देय् दबू स्वनिगः विशेष प्रदेशपाखें सहलह ब्याका न्ह्याः वनाच्चंगु खःसा हुं दिं न्ह्यः जक प्रस्तावित ऐन तर्क लःल्हाय्गु ज्या जूगु खः। बाग्मती प्रदेशया राष्ट्रभाषा ऐन आः संसदया अधिवेशनय् पेश याय्गु धकाः मन्त्री परिषद् पारित याःगु खः। अनं लिपा आः संसदया अधिवेशन जुयाच्चंगु दुसा नीति तथा कार्यक्रमय् तर्क ऐन हय्गु खँ दुथ्याकूगु दु। थुगु ल्याखं स्वल धाःसा आः थुगु हे अधिवेशनय् उगु प्रस्तावित ऐन विधेयकया रूपय् न्ह्यब्वइगु अवस्था दु।

सम्वन्धित विभागीया मन्त्री कथं पर्यटन, उद्योग तथा सहकारी मन्त्री पुकार महर्जन जुयादीगु दुसा वयकलं नं आःया अधिवेशन भाषा ऐन पारित याय्गु जुइ धकाः बचं बियादीगु दु। थुगु ल्याखं स्वल धाःसा थुगुसी बाग्मती प्रदेश संसद भाषा ऐन पारित जुइगु यक्व संभावना दु। यदि भाषा ऐन पारित जुल धाःसा न्हयगू प्रदेश मध्ये भाषा ऐन दय्कूगु न्हापांगु प्रदेश बाग्मती प्रदेश हे जुइ। थ्व धइगु संघीयताया छगु बालाःगु पक्षया रूपय् वइ। संघीयता वय् धुंकाः भाषा ऐन हया बाग्मती प्रदेशय् नेवाः भाय् व तामाङ भाषायात प्रदेशया कामकाज भाषाया रूपय् लागू जुइवं मेमेगु प्रदेशय् नं थुगु हे कथं ज्या न्ह्याइगु निश्चित दु। थुकिं याना प्रदेश जक मखु स्थानीय सरकारयात तर्क भाषा ऐन दय्केगु नितिं आधार तयार जुइ। गुकिं याना तःताजि भाषा दुगु नेपाः देशय् भाषा संरक्षण व विकासया नितिं छगु बालाःगु ज्या जुइ धकाः धाय्फइगु अवस्था वइ। थुकिंया नितिं अझ नं मदिकक खबरदारी याना च्वनेगु नापं कन्हय् ऐन पारित जुल धाःसा उकिंयात कार्यान्वयनया नितिं नं भूमिका मिहेत तयार जुया च्वनेमाःगु दु।





चक्रना

दि.सं. २०२० द्वा. १६

बुंगदघः, पद्मपाणी लोकेश्वर

किपा : नृपिन्द्रबाल धीरु

ताहालं लँ त्वाःल्हात कि मभिं



पन्नारत्न महर्जन

ताहाःनापं गलय् च्वनांत्वने मफय्क असामान्य धंगं निभाः त्वयाः वायूमण्डल ववाइबलय् नं च्वय् धयागु नियम कथं च्वय् धयाथे धम्पं क्वलुनाथे जुइक वा वय्यः । थथे वइगु वा कुसां हे फय् मफय्यः छकूचा थासय् जक नं तसकं वय्यः । ताहा धयात्त अत्तः यानाः सुंसां दंगु थासय् च्वनेगु याइ । शहर बजाः व गुचमुच छेँ दुगु थासय् च्वनीत्त मखु । फयां फछि काःपाः व ततःमागु घाँय् दुगु थाय् व धिसः दवम्बः आदि थासय् च्वनीत्त मखु । गलं पिहाँ वय् माःसां सुं मदुगु ताकय् लाकाः होसियारि जुयाः जक पिहाँ वइ ।

ताहाः छम्ह म्ह लुयाः वनीम्ह जीव खः । थ्व चाया दुने गलय् च्वनेगु याइ । थःथर्मंतुं गः म्हुइ मफुसां छेँ आदि जीवतसें म्हुयातःगु गलय् अधिपत्य जमय् यानाः च्वनेगु याइ । पिने यक्व वयाम्च्वनीम्ह थ्व जीबं अप्ठः धयाथे थःगु ई गलय् दुने हे बिकी ।

ताहाःनं लँ त्वाःल्हात धाय् व मभिं, अलछिन जुइ धयागु भीगु सामाजिक मान्यता दु । लँ त्वाःल्हाय्गु धयागु भी वनाचवनागु लँया छ्मू सिथं मेगु सिथय् ताहाः वनीगु यात धाइगु खः । अथे जुइबलय् भचा दिनाः जक वनेमाः बाय् सुपः छु ताहाः वंगु बिपरित दिसा पाखे छ्वयाः जक वनेमाः धयागु बिश्वास दु । अथेनं मखुसा सुनं मेम्ह लँजुवाः वने धुंकाः जक वनेमाः धयागु मान्यता दु ।

ताहाःनं लँ त्वाःल्हात धाय् व अतेरि जुयाः न्ह्याःतुं वने मज्यू यदि वन धाःसा मभिं जुइ बाय् अलछिन जुइ धकाः गुगु धयातःगु खः, थ्व छ्मू भनाइ जक मखु । धाथे अथे जुइ नं यः । थज्याःगुली बिचाः याय्माःगु यक्व दु । थःगु जिउयात छुं न चोट पटक लाइगु, हानि नोक्सानि जुइगु धयागु अबस्यं मभिंगु खः, अलछिन जुइगु खः । मभिं जुइगु, अलछिन जुइगु धयागु भीत मज्यू । भीगु जिउयात मज्यूगु छुं जुइगु यात हे मभिं व अलछिन धाइगु खः ।

चैत बैशाखया महिनां निसे निभाः थीगु सुरु जुयावइ । थथे थीगु निभालं वायूमण्डल क्वाकी । थज्याःगु अबस्थाय् जमीनय् च्वंगु लः वाफ जुयाः वायूमण्डलय् थहाँवनी । क्वात धाय् व याउँयाः च्वय् थहाँवनीगु व ख्वाउँल धाय् व इयातुयाः क्वय् वइगु छ्मू प्राकृतिक नियम खः । थज्याःगु नियमयात इभाय्पोरेसन व कन्डेन्सया नियम नं धाय्गु याः । थ्व नियम कथं च्वय् थहाँ वंगु वाफ ख्वाउँयाः हानं लखय् परिनत जुयाः वा वय्यु याइ । थथे वइगु वा गबले गबले छकूचा थासय् जक नं धम्पं क्वलुना थें कुसां हे फय् मफय्क नं वय्यः ।

ताहाःनं चिकु सहाय्य मफयाः चिकुला जःछि गलय् दुने च्वनेगु याःसां यक्व तांन्वः नं थ्वं सहाय्य मफु । वरखामाःसं गबले गबले असामान्य धंगं निभाः त्वय्यु याः । थथे असामान्य धंगं निभाः त्वइबलय् अनुभविपिसं थौं वा वइतिनिका धाइगु नं न्येदु । थ्व च्वय् धयागु नियम कथं लाः ।



थुकथं त्वइगु निभालं वायूमण्डल नं असामान्य धंगं क्वाकी । थथे क्वाइबलय् ताहाः च्वनीथाय् गलय् भन हे क्वानाः पिनेसिकं यक्व तांन्वइ । थथे यक्व तांन्वइ बलय् ताहाः गलय् च्वनां च्वने हे मफयाः गलं पिने सिचुगु थासय् च्वंय्यु याइ । थज्याःबलय् सुं मदुगु ताक लात धाःसा गलं तापाक लँया पारि तक नं च्वंवेनेगु याइ । ताहाः थथे पिहाँवयाच्वंगु खनीबलय् नं वा वइतिनि धयागु अनुमान याइ ।

तसकं तांन्वयाः गलं पिने वइ बलय् हे ताहाः नं नसा नं मालाः नय्यु याः । थज्याः बलय् नं जःखः सुं मदुगु ताक लाकाः जक वइ । थज्याः बलय् नसा मालेगु इवल्य् गबले गबले गलं तापाक लँया पारिपाखे नं लाय् यः ।

ताहाः याके मिखा दःसां मिखां खनीमखु । थ्वं थः जःखः छु गथे दु धयागु दक्कं मे च्वाला च्वालां लुइगु मेया च्वाकां सीकी । अथे जुयाः हे थ्वं न्हयाथाय् नं मे च्वाला च्वालां लुइगु याइ । गुलि गुलि थःत खतरा अप्ठः महसुस जुल उलि उलि मे अप्ठः लुइगु याइ । गलय् दुने तसकं तांन्वयाः पिने वयाःच्वंवेइ बलय् नं मे लुलुं हे वय्यु याइ ।

ताहाःनं लँ त्वाःल्हाय् धकाः

त्वाः ल्हाइगु मखु । गलय् दुने तसकं तांन्वयाः सुं मदुगु ताक लाकाः सिचुक पिने चुंच्वनीबलय् अपरभक्त सुं नं लँय् वल धाय् वयाय् थ्व याय् मदयाः हतर न पतर थःगु गःपाखे व्वांवेनेगु स्वइ । अज्याःगु अबस्थाय् लं पारिपाखे लानाच्वन धाय् व लँ त्वाःल्हाःथें जुइगु जक खः । थज्याः बलय् होसतास मदयाः भीसं तइगु पलाः बिस्सुं वनाच्वंम्ह ताहाःया म्हय् लात धाय् व ताहाःनं न्याय्त नं बेर म्दु ।

ताहाःनापं गलय् च्वनांत्वने मफय्क असामान्य धंगं निभाः त्वयाः वायूमण्डल क्वाइबलय् नं च्वय् धयागु नियम कथं च्वय् धयाथे धम्पं क्वलुनाथे जुइक वा वय्यः । थथे वइगु वा कुसां हे फय् मफय्यः छकूचा थासय् जक नं तसकं वय्यः । ताहा धयाम्ह अप्ठः यानाः सुंसां दंगु थासय् च्वनेगु याइ । शहर बजाः व गुचमुच छेँ दुगु थासय् च्वनीम्ह मखु । फयां फछि काःपाः व ततःमागु घाँय् दुगु थाय् व धिसः दवम्बः आदि थासय् च्वनीम्ह खः । गलं पिहाँ वय् माःसां सुं मदुगु ताकय् लाकाः होसियारि जुयाः जक पिहाँ वइ । अथे जुयाः ताहाःनं लँ त्वाःल्हाइगु धयागु छेँ यक्व दुथाय् जुइमखु । वा वःसां काचाक्क च्वने

मदुथाय् लाय्यः । थज्याःगु अबस्थाय् इवां पुयाथे वा वल धाय् व काचाक्क गनं च्वनेथाय् मदइ बलय् म्हछम्हं निथुक प्याइ । कुसा दःसानं कुसां हे फय् मफय्क वइगु अबस्थाय् नं म्हछम्हं प्याइ । वायू मण्डलय् वइगु थज्याःगु छक्कलंया हिउपालं नकातिनि तक तन्न निभाः त्वयाच्वंसां छिनभरं हे सुपाँय् वयाः वइगु वां दाल धाय् व तसकं तांन्वयाः क्वानाच्वंगु म्हय् छक्कलं ख्वाउँगु लः लाइबलय् ज्वर वय्यत नं बेर मदय् यः । थुकिं छु सीदु धाय्बलय् ताहाः गलय् दुने च्वने मफय्क असामान्य धंगं वायूमण्डलय् हिउपाः वल धाय् व अपरभक्त कथं वा वय्यः । थुकिं यानाः सास्ति नय् माले यः । ताहाः नं लँ त्वाःल्हात धाय् व न्ह्यःने न्ह्यज्याय्त होसियारि जुइमाः धयागु संकेत कथं थुकीयात थुइके माः । सास्ति नय्यु धयागु मभिं अबस्यं खः । अथे जुयाः ताहाःनं लँ त्वाःल्हात धाय् व मभिं धाय्गु यानातःगु खः, सतर्क जुइमाःगु खँया वाःचाय्कातःगु खः । ताहाःनं लँ त्वाःल्हात धाय् व सुपः छुं कियाः बिपरित दिसाय् वांछ्वय्यु व सुं नं मेपिं वनेधुंकाः जक वनेमाः धयातःगु मन बल्लाकेत जक खः । थ्व छुं दसा मभिनाः जुइगु भबितबि मखु ।

Binod Maharjan
9841369552, 9808644686

बि.आर्ट्स

B. Arts
Nayabazar, Kirtipur
4335491, b.arts4335491@hotmail.com

B. Arts
Nayabazar, Kirtipur-17

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC(ID) Visiting Card
- & all kinds of press works

100% Vegetarian

Sweet Cave
Sweets - Namkeen - Fast Food

Sweet Cave
(जीवन दाईया पसः)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।
आउटडोर भेज क्याटरिङ पनि गरिन्छ ।

नेपालभाषा शिक्षण सहायक प्रशिक्षक तालिम



तोखाय न्ह्यानाच्चंगु नेपालभाषा शिक्षण सहायक प्रशिक्षक तालिम क्वचाःगु दु। तोखाया सामुदायिक व संस्थागत ब्वनेकुथिइ स्थानीय भाषाया पाठ्यक्रम अध्ययन अध्यापनया निरति उगु तालिम जूगु खः। तोखा नगरपालिकां हालया निरति वडा नं. २ व ३ या सामुदायिक

उगु प्रशिक्षण तालिम जूगु खः। ज्याइवल्यु नवासं ३ वडाअध्यक्ष रमेश डंगोल तोखाया स्थानीय भाषा, कला, संस्कृति व सम्पदाया संरक्षण यायेगु ल्याखं स्थानीया पाठ्यक्रमयात नेपालभाषां हे अध्ययन अध्यापन याकेगु जुइ धासं थुकी थःपिनिगु वडापाखें विशेष ग्वाहालि दइ धयादिल। नेपाःया संविधान बियातःगु भाषिक अधिकारया प्रयोग यासं मातृभाषा शिक्षाया उत्थान यायेगु ज्यायु सकलें छपं जुयाः न्ह्याः वनेमाःगु खंयु बः बियादिसं थःपिनिगु हे कार्यकालयु तगिं च्यागू तक अनिवार्य रुपयु थुगु विषययात लागू याना यंकेगु खंयु नं वयकलं प्रतिवद्धता प्वकादिल। ज्याइवल्यु तालिमयु सहभागि शिक्षण सहायकपिंत २ वडाअध्यक्ष धर्मेन्द्र श्रेष्ठ दसिपौ लःल्हानादीगु खः।

वक्तृत्व कला व उद्घोषण तालिम

श्रीवच्छ महाविहार सुधार समितिं ग्वालालयु जूगु फिन्हुयंकंया वक्तृत्व कला व उद्घोषण तालिम क्वचाःगु दु। यल महानगरपालिका २० वडाया ग्वाहालिइ विहारया आजु निवासयु उगु तालिम जूगु खः। यल महानगरपालिका २० वडाअध्यक्ष चन्द्रलाल महर्जनं प्रशिक्षार्थीतयुत दसिपौ लःल्हानादिसं वडा ज्याकुथिं वडावासीया निरति सीपमूकल, रोजगारीमूलक, ज्ञान, कला, सीपलिसं व्यक्तित्व विकास व क्षमता अभिवृद्धिया निरति नं ज्याइवःत संचालन यानाच्चनगु जानकारी बियादिल।



विहार सुधार समितिं ग्वालालयु जूगु तालिम समापन ज्याइवल्यु वडा सदस्यपिं शैलेन्द्र शाक्य, अमर डंगोल, गीता

महर्जन, प्रशिक्षक सुरजवीर वज्राचार्य, भी बहुउद्देश्यीय सहकारीया अध्यक्ष बुद्धिरत्न शाक्य, ज्येष्ठ नागरिक सेवा केन्द्रया संयोजक युवराज शाक्यं नं थःथःगु नुगःख तयादीगु खः।

ज्याइवल्यु प्रशिक्षार्थीपिं सुप्रिया

शाक्य, ओमरत्न शाक्य, ज्ञानलक्ष्मी शाक्य, बसना शाक्य, मूर्तिबहादुर शमाक्य, केशवराज शाक्य, निश्चल शाक्य, शोभालक्ष्मी शाक्य लगायतं तालिमया अनुभवयात कयाः नुगःखं तयादीगु खः।

ब्लोदानया क्लब २५या न्हूधाः

ब्लड डोनर्स एसोसियसन नेपाल (ब्लोदान)या भातृ संगठन क्लब २५ नेपालया न्हूधाः याःगु दु। थनया एकान्तकुनायु च्वंगु महेन्द्र भूकुटी माध्यमिक विद्यालययु जूगु छगू ज्याइवःया दथुइ क्लब २५ या न्हूधाः याःगु खः।

ब्लोदानया केन्द्रीय अध्यक्ष ई. सानुबाबु प्रजापतिया विशेष उपस्थितिइ जूगु मुँज्यां किशोर सिखाकारया अध्यक्षतायु १९ गुम्हेसिया न्हूगु ज्यासना पुचः ल्यःगु खः। ज्याइवल्यु ब्लोदानया उपाध्यक्ष राजेश श्रेष्ठ, महासचिव केशव महर्जन,

कोषाध्यक्ष मचाकाजी महर्जन, केन्द्रीय दुजःलिसं क्लब २५इन्चार्थ विनोद तुलाधर, केन्द्रीय दुजः राधिका श्रेष्ठ, ब्लोदान येँ जिल्ला अध्यक्ष जनक खड्का, दुजः सीता न्यौपाने, क्लब २५ या पुलांमह नायः शैलेन्द्र शाक्य लगायतया उपस्थिति दुगु खः।

नेपाली राजनीतिइ शुद्धिकरण याय्माः : महेशमान



नागरिक न्ह्यलुवा डा. महेश मान श्रेष्ठ नेपाली राजनीतिइ शुद्धिकरण याय्माःगुलिइ बः बियादीगु दु। नेवाः ग्वाहालि पुचः येँ महानगर १७ वडा कमिटीं ग्वासाः ग्वःगु २० न्हुया क्षमता अभिवृद्धि प्रशिक्षणया

समापन ज्याइवल्यु न्वासं वयकलं थथे धयादीगु खः। वयकलं लिपांगु इलयु चर्चायु वयाच्चंगु भुटानी शरणार्थी प्रकरणं नेपालयात अन्तराष्ट्रिय स्तरयु हे बेइज्जत याःगु धयादिल। नागरिक न्ह्यलुवा श्रेष्ठ

देयु दुनेया बहुल पहिचानयात तक स्वीकार यानाः न्ह्याःवनेमाःगुलिइ नं बः बियादिल। ज्याइवल्यु न्वासं येँ महानगरपालिकाया प्रवक्ता लिसं येँ मपा १७ वडाअध्यक्ष नविन मानन्धरं लिपांगु इलयु नगर दुने रैथानेतयु भाषा, संस्कृति, संस्कारयु विलचन वःगु प्रति चिन्ता प्वकुसं दक्वं तह व तप्का जानाः संरक्षण याय्माःगुलिइ बः बियादिल।

बैसाख ६ गतेनिसं न्ह्याःगु प्रशिक्षण ज्याइवल्यु प्रशिक्षार्थीतयुत उद्घोषण, नेतृत्व विकास, संस्थागत संरचना व लक्ष्य निर्धारण सम्बन्धि तालिम ब्यूगु खः। २०न्हुया प्रशिक्षण ज्याइवल्यु संचारकर्मी केके मानन्धरं सहजीकरण याःगु खः।

गोविन्दया 'समुद्र मन्थन'



नेपालभाषा चिबाखं ख्यलयु नांजाःमह चिबाखीम गोविन्दमान श्रेष्ठया निगुगु चिबाखं मुना 'समुद्र मन्थन' शनिवाः छगू ज्याइवःया दथुइ पितब्वज्या जूगु दु।

विराट नेपालभाषा साहित्य गुथि ख्वप व पलिस्था येँया मकाः ग्वसालयु जूगु सफू पितब्वज्या ज्याइवल्यु बाखीमिलिसं शिक्षाविद् हितकरवीर सिंह कसाःया मूपाहाँसुइ जूगु खः।

उसाँय्या समस्याया हुनिं सफू उलेज्या ज्याइवल्यु चिबाखीम श्रेष्ठ उपस्थित जुया मदीसां वयकलं रेकर्ड यानाः छ्वयाहयादीगु बाखं ज्याइवल्यु न्यंकूगु खः।

सफूयात कयाः समीक्षक

प्रा. नर्मदेश्वर प्रधानं थःगु नुगःखं तयादीगु खःसा कवि योगेन्द्र प्रधान, अन्नपूर्ण कलेजया प्राचार्य चन्द्रप्रकाश राजभण्डारी, विराटया नायः महेन्द्र गोपाल कर्माचार्यपिसं नं ज्याइवल्यु नुगःखं तयादीगु खः।

पलिस्थाया नायः पूर्णकाजी ताम्राकारया सभानायःसुइ जूगु ज्याइवल्यु विमोचित सफू ५०% छुटं मीगु ज्या जूगु खः।

चिबाखीम श्रेष्ठया थ्वयां न्ह्यः आस्थाया सिपाहिंत नांगु चिबाखं मुना पिदने धुंकूगु खः। वयकः विराट नेपालभाषा साहित्य गुथिया नं पूर्व नायः खःसा साहित्य रचनायु निरन्तर क्रियाशील व्यक्तित्व जुयादी।

अभं मलंनि ...

ज्याइवः याय्त्यागु खः धयादिल। थुगसी हाकूगु हि हनेगु इवल्यु येँया बसन्तपुलिइ नेवाः भायु, नेवाः लिपि नापं थीथी भायु व थीथी लिपिपाखें भाषानिसं पहिचानया अधिकारया निरति सः थ्वयकेगु कथं प्लेकार्ड व ब्यानर ब्वज्या यायगु नं वयकलं कनादीगु दु। जेठ १८ गते हाकूगु हि धाः अभं लंगु मडुनि, व्यवस्था ह्युगु खः अधिकारया संघर्ष दिउगु मडुनि, नेवाः अधिकारया सः थ्वयके धइगु मू नारा ज्वना ब्यानर नापं प्लेकार्ड प्रदर्शन ज्याइवः याय्त्यागु खः। उगु ज्याइवल्यु थीथी कलाकारपिन्सं म्ये न्यंकेगुनिसं कवि कवियत्रीपिन्सं नेवाः अधिकारया सः थ्वयकेगु कथंया चिनाखें नं न्यंकीगु ज्याइवः जुइ धकाः ग्वासाः खलकं धाःगु दु।

६८ गः गाडी...

व्यवस्थापन पद्धतिं जक दिगो जुइ। थ्व हे हुनिं सुचुकुचु ज्याइवःयात अभियानकथं नियमित न्ह्याकाः नागरिकया ब्वति अप्वयेका यंकेमाः। वयकलं धयादी, 'फोहोर उत्पादक व्यवस्थापनप्रति जिम्मेवार जुइमाः। थुकिया लागि माःकथं ग्वाहालि महानगरं उपलब्ध याकी।' ज्याइवःया अनुगमन यानादीमह प्रमुख प्रशासकीय अधिकृत बसन्त अधिकारी 'सुचुकुचु व स्वच्छताया

निरति महानगरपालिकां जिम्मेवारी पूर्वकी, नागरिकं नं थःगु दायित्व पूर्वकेमाः' धयादिल।

ज्याइवः न्ह्याकेगु तयारीया सन्दर्भनिसं थीथी थसयु थ्यंगु, थीथी लागाया मनुत नाप लाःगु व सुचुकुचुइ ब्वति काःपिनि विश्लेषण यासं वयकलं धयादिल, 'छँ दयका च्वनादीपिं महानगरबासी सडकयु न्ह्यःनेलाःथे निर्माण सामग्री तयाब्युगुलिं धः बन्द जूगु यक्व लूगु दु। उत्पादित फोहोरयात सही इलयु व थसयु तयेमाःगुली समुदायं जिम्मेवारी पूर्वकूगु खनेमन्त। थुकियात नियमन याय्माःमह नाइकेया व निजी ख्यःया भूमिका प्रभावकारी खने मन्त।' सुचुकुचुया इवल्यु सडक, पार्क, खुसिसिथयु लूगु फोहोर मुंगु खः। थथे हे छँखा छँखायु वनाः जथाभावी फोहोर पिने वामंछ्वयेत इनाप याःगु खः।

सुचुकुचुया इवल्यु सहरयात प्रदुषित जुइगुपाखें पनेगु कुतल्यु नागरिकयात ब्वति काय्कूगु खः। थथे हे फोहोरयात स्रोतयु बर्गीकरण यायुत, उचित इलयु जिम्मेवार फोहोर संकलकया सवारी साधनयु जक फोहोर जिम्मा बीत, जैविक फोहोरयात छँयु हे व्यवस्थापन, पुनःप्रयोग व पुनः चक्रिय प्रयोगं म्हो यायुत, प्लाष्टिकया भोला म्हो जक छ्यलेत इनाप याःगु खः।

हरेक मंगलवार

राष्ट्रियताको लागि समर्पित



मेरो साप्ताहिक

मना साप्ताहिक Mero Saptahik

मालाः मालाः ब्वनादिसं।

युगकवि सिद्धिचरण श्रेष्ठया ११२ वःगु बुदिं



युगकवि लिसें कविरत्न सिद्धिचरण श्रेष्ठया ११२ वःगु बुदिं वंगु जेठ ८ गते सोमवाः थीथी ज्याइवः यानाः हंगु दु।

सिद्धिचरण स्मृति गुथिं ओमबहालय ग्वसाःगु श्रद्धाञ्जली सभाय् संस्कृति, पर्यटन तथा नागरिक उड्डयन मन्त्री सुदन किराँती, वरिष्ठ साहित्यकार बैरागी काँइलालसेया साहित्यकार व विशिष्ट व्यक्तित्वपिसं

श्रेष्ठया शालिकय् स्वांमाः क्वखायेकाः श्रेष्ठया योगदान लुमकादिल।

देसय् वःगु परिवर्तनय् महत्वपूर्ण योगदान दुम्ह श्रेष्ठया काव्यात्मक रचना थीतक नं उतिकं हे सान्दीभिक जूगु ज्याइवलय् नुगःखँ तयादीपिं पाहाँपिसं धयादीगु खः।

१९९७ सालय् 'क्रान्तिविना थन दइमखु शान्ति' धइगु चिनाखँ व मातृभाषा नेपाल भाषाय् साहित्य

सृजना याःगुलिं राणा शासकं श्रेष्ठयात १८ दँ जेल सर्जाय् ब्यूगु खः।

श्रेष्ठयात नेपाली साहित्यया स्वच्छन्दतावादी काव्यधारया प्रवर्तक, कवितापाखें क्रान्तिया शंखघोष याःम्ह न्हापांम्ह नेपाःमि कविकथं कयातःगु दु।

वय्कःयात नेपाली साहित्यय् नारीया अन्तरविवेचना व कविताय् न्हापांखुसी प्राकृतिक व भूगोलया शंखनाद याःम्ह कविकथं कयातःगु दु। युगकवि श्रेष्ठया नेपाली व नेपाल भाषाय् थ्यंमथ्यं स्वंगू दर्जन कृति पिदंगु दु।

नेपाली साहित्यया युगपुरुष श्रेष्ठया जन्म १९६९ जेष्ठ ९ गते ओखलढुङ्गाय् जूगु खःसा वि.सं. २०४९ जेष्ठ २२ गते यँय् मदुगु खः।

युगकवि श्रेष्ठया बुदिंया लसताय् थीथी देसय् थीथी ज्याइवः याःगु बुखँ नं वःगु दु।

भित्तुना देछाना



थुगु लहना मिडियाया भिचितामि पत्रकार उपेश महर्जन

नेपाःया राष्ट्रिय न्हिपौ गोरखापत्रया सल्लाहकार सम्पादक नियुक्त जुयादीगुलिं वय्कःया सफल कार्यकालया मन्तुसँ भित्तुना देछानाचवना।



लहना मिडिया

सकल जः

सौरभया छँय् विराट साहित्य चिमुँज्या

विराट नेपालभाषा साहित्य सम्मेलन गुथिया ग्वसालय् वंगु शनिवाः 'विराट साहित्य चिमुँज्या' जुल। गुथिया ग्वसालय् उगु साहित्य चिमुँज्या नांजाःम्ह साहित्यकार सौरभ शाक्यया छँय् जूगु खः।

साहित्यकार शाक्यया हना जूगु साहित्य चिमुँज्याय् आपालं साहित्यकारपिसं थःथःगु साहित्यिक रचना पाठ यानादीगु खः। ज्याइवलय् सम्मानित व्यक्तित्व शाक्यलिसें डा. योगेन्द्र प्रधान, त्रिरत्न शाक्य, गोविन्दमान श्रेष्ठ, महेन्द्रमान कर्माचार्य, कृष्णभक्त बोडे, प्रदीप शाक्य, विमल ताम्राकार, श्याम आशा, पशुपतिमान पःमां, नविनप्रकाश श्रेष्ठ, तुयू पुं, वसन्त नकःमिं थःथःगु रचना पाठ यानादीगु खः।

अथे हे तेजकृष्ण श्रेष्ठ, सुलोचना



सैजू, दिलकुमारी डंगोल, सूर्यलक्ष्मी भूमि, योगी स्यस्यः, न्हुछेभक्त कवां, सुरेन्द्रलाल भुजु नं रचना पाठ यानादीगु खः। विराट गुथिया नायः महेन्द्रगोपाल

कर्माचार्यया सभापतित्वय् छ्याञ्जे प्रदीप शाक्य लसकुस यासँ न्ह्याःगु ज्याइवलय् साहित्यकार शाक्यं जिन्दगी शीर्षकय् स्वपु गजल न्यंकादीगु खः।

गणतन्त्रका उपलब्धीहरु

- संघीयताको अभ्यासमार्फत संघ, प्रदेश र स्थानीय तहमा शक्ति बाँडफाँड,
- विधिको शासनको व्यवस्था,
- अधिकार सम्पन्न स्थानीय तह,
- जनअनुमोदित प्रतिनिधिबाट शासन सञ्चालन,
- अभिव्यक्ति स्वतन्त्रताको रक्षा,
- यी उपलब्धीहरुको रक्षा गरौं।



नेपाल सरकार

विज्ञापन बोर्ड

छत्रपाटी निःशुल्क चिकित्सालय | अस्पताल |

“स्त्रीय श्रम स्वास्थ्य सेवा सकसियां निति, असहायया निति जक निःशुल्क”

<h4>उपलब्ध सेवा</h4> <p>२४सँ घण्टा सेवा</p> <ul style="list-style-type: none"> ● ईमरजेन्सी ● प्याथोलोजी ● एक्स रे ● ई.सी.जी ● औषधि पसल ● अन्तरंग सेवा 	<h4>शल्यक्रिया</h4> <ul style="list-style-type: none"> ● मोसिबिन् ● झरन सरेरी ● नाक कान घाँटी सर्जनि ● हाडजोनी तथा नासा सर्जनि ● घिना चिरकार फिस्स सल्लो फनर सर्जनि 	<h4>बहिरंग सेवा</h4> <ul style="list-style-type: none"> ● मुटु रोग ● फेफ रोग ● बुरोलीजी ● रन्धी रोग ● बगल रोग ● कथान्तर रोग ● दन्त रोग ● ज्विबा रोग ● जनरल मेडिसिन ● चर्म तथा यीन रोग ● नाक कान घाँटी रोग ● जनरल हेल्थ चेक अप ● थाइरोइड ● मधुमेह 	<h4>मेमेगु सेवा</h4> <ul style="list-style-type: none"> ● ड्रेसिङ ● इण्डोस्कोपी ● कोलोनोस्कोपी ● फिजियोथेरापी ● अल्ट्रासाउण्ड, कन्ट्रोल र इन्जे ● पुरोपेनी सरको वन प्रयोगशाला ● टिएम.ए.इ. इन्टर
--	--	--	--

२४ घण्टा ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ४२९६९३८, ४२५७९९९, ४२६६२२९